

迦葉仙人說醫女人經

宋西天譯經三藏朝散大夫試光祿卿明教大師法賢奉詔譯

爾時唵嚩迦仙人忽作是念世間衆生皆從女人而生其身而彼女人從初懷孕至滿十月或復延胎至十二月方始產生或於中間有其病患於病患時極受苦痛我今方便請問於師稟受方藥與作救療作是念已即詣於師迦葉仙人伸師資禮而作問言大師迦葉是大智者我今欲有所問願垂聽許迦葉仙言恣汝所問時唵嚩迦仙人白言女人懷孕期當十月或十二月日滿方生云何中間有諸病患遂致胎藏轉動不安或有損者苦惱無量我師大智願爲宣說救療如是病苦方藥作是問已聽受而住爾時迦葉仙人告唵嚩迦仙言女人懷孕不知保護遂使胎藏

得不安隱我今爲汝略說隨月保護之藥懷孕之人第一月內胎藏不安者當用栴檀香蓮華優鉢羅華入水同研後入乳汁乳糖同煎溫服此藥能令初懷孕者無諸損惱而得安樂

第七

三七之一

復次告唵嚩迦仙言女人懷孕於第二月胎藏不安者當用青色優鉢羅華俱母那華根菱角仁羯細嚕迦等藥諸藥等分搗篩爲末用乳汁煎候冷服之此藥能令胎藏不損疼痛止息晝夜安隱

復次女人懷孕至第三月胎藏不安者當用迦俱嚩藥叱羅迦俱嚩藥及苾麻根等諸藥等分以水相和研令極細又入乳汁同煎令熟後入乳糖及蜜相和冷服此藥能安胎藏止息疼痛若有患者服之安樂

第七

三七之二

復次女人懷孕至第四月胎藏不安者當用
蒺藜草根并枝葉等優鉢羅華并及莖幹等
分用之以水相和研令極細復用乳汁同煎
令熟候冷服之此藥能安胎藏止息疼痛患
者服之而得安樂

復次女人懷孕至第五月胎藏不安者當用
瓠子根及優鉢羅華各用等分搗篩令細後
入蒲萄汁乳汁乳糖同煎候冷服之此藥能
安胎藏止息疼痛患者服之而得安樂

復次女人懷孕至第六月胎藏不安者當用
閉阿羅藥子摩地迦羅惹藥薩訖多嚩藥各
用等分以水相和研令極細復入乳汁同煎
後入乳糖及蜜候冷服之此藥能安胎藏止
息疼痛患者服之而得安樂

復次女人懷孕至第七月胎藏不安者當用

臨七

十八之一

蒺藜草枝葉并根搗篩爲末用乳糖及蜜爲
丸用肉汁服之復以肉汁餐飯食之或食菜
豆粥飯此藥及飯能安胎藏患者服食而得
安樂

復次女人懷孕至第八月胎藏不安者當用
三輪誡藥蓮華青優鉢羅華蒺藜草各等分
以冷水相和研令極細後入乳汁及糖蜜等
同煎候冷服之此藥能安胎藏止息疼痛患
者服之而得安樂

復次女人懷孕至第九月胎藏不安者當用

臨七

十八之二

訖麻根迦俱隸藥舍羅鉢被尼藥沒哩賀底
藥各等分以冷水相和研令極細入乳汁同
煎候冷服之此藥能安胎藏止息疼痛患者
服之而得安樂

復次女人懷孕至第十月胎藏不安者當用

菴豆優鉢羅華等分以水相和研令極細復入乳糖及蜜并乳汁同煎候冷服之此藥能安胎藏止息疼痛患者服之而得安樂

復次女人懷孕延胎十一月胎藏不安者當用青優鉢羅華安路剛藥蓮華并莖等分以冷水相和研令極細後入乳汁乳糖同煎候冷服之此藥能安胎藏止息疼痛患者服之而得安樂

復次女人懷孕延至第十二月胎藏不安者當用迦俱隸藥吒囉迦俱隸藥甘草優鉢羅華各等分擣篩令細以水同研後入乳汁相和煎熟候冷服之此藥能安胎藏止息疼痛患者服之而得安樂爾時吟嚩嚩仙人聞師說是女人懷孕保養法已歡喜信受作禮而退

迦葉仙人說醫女人經

音釋

痔瘻

痔丈爾切後病也瘻音陋漏瘡也

瘰癧

瘰郎果切瘰音歷瘰癧病

筋結

筋結語駭切

喻

喻達及切

華拔

音鉢拔切

必拔切